

STJÓRNARTÍÐINDI B 96 – 1996

27. nóvember 1996

1837

Nr. 713

SKIPULAGSSKRÁ

fyrir Sjóð Kristínar Björnsdóttur fyrrverandi starfsmanns Sameinuðu þjóðanna.

(Til rannsókna á krabbameini í börnum og unglingum).

1. gr.

Sjóðurinn heitir Sjóður Kristínar Björnsdóttur, fyrrverandi starfsmanns Sameinuðu þjóðanna, sbr. ósk Kristínar þar um í erfðaskrá. Kristín var fædd 1. júní 1909 og andaðist 11. október 1994.

2. gr.

Tilgangur sjóðsins er aðallega að rannsaka krabbamein í börnum og unglingum og til aðhlynningar krabbameinssjúkum börnum.

3. gr.

Heimili og varnarþing sjóðsins er í Reykjavík.

4. gr.

Upphaflegt stofnfé er krónur 24.080.628 - tuttugu og fjórar milljónir og áttatíu þúsund sex hundruð tuttugu og átta - og 50% eignarhluti íbúðar nr. 56 við Kleppsveg í Reykjavík (heildarverðmæti íbúðarinnar skv. fasteignamati er kr. 4.042.000). Stofnfé er allt fengið úr dánarbúi Kristínar Björnsdóttur samkvæmt ákvörðun hennar þar um í erfðaskrá.

5. gr.

Sjóðurinn hefur sérstakan fjárhag og er í vörslu Krabbameinsfélags Íslands, sem sér um bókhald hans og fjárreiður. Reikningar sjóðsins skulu endurskoðaðir árlega af löggiltum endurskoðanda. Reikningsár skal vera almanaksár.

6. gr.

Stjórn sjóðsins skipa þrír menn tilnefndir af stjórn Krabbameinsfélags Íslands. Tilnefningar skulu gilda í eitt ár í senn, í fyrsta skipti til ársloka 1997.

7. gr.

Tekjur sjóðsins eru:

- a) Arður, þar með taldir vextir af eignum sjóðsins.
- b) Gjafir, áheiti og önnur framlög sjóðnum til styrktar.
- c) Aðrar tekjur en að ofan eru nefndar.

8. gr.

Ávaxta skal stofnfé sjóðsins (sbr. 4. gr.) sem tryggilegast og arðvænlegast. Ekki er heimilt að skerða höfuðstól sjóðsins. Verði afgangur af tekjum ársins má ráðstafa honum á næsta ári, en annars leggst hann við stofnfé sjóðsins.

9. gr.

Stjórn sjóðsins auglýsir eftir umsóknum um styrki. Stjórn sjóðsins annast styrkveitingar úr sjóðnum.

10. gr.

Breytingar á skipulagsskrá þessari og ákvörðun um að hætta rekstri skulu samþykktar af öllum stjórnarmönnum. Verði sjóðurinn lagður niður skal verja eignum hans í þágu rannsókna á krabbameini í börnum og unglingum.

11. gr.

Skipulagsskrá þessi öðlast gildi þegar stjórn Krabbameinsfélags Íslands hefur samþykkt hana.

12. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 27. nóvember 1996.

F. h. r.

Fanney Óskarsdóttir.

BÆJANÖFN

Menntamálaráðuneytið hefur – samkvæmt lögum nr. 35 18. febrúar 1953 um bæjanöfn o.fl. – gefið út leyfisbréf fyrir eftirgreindum nöfnum á árinu 1996:

Í umdæmi sýslumannsins í Borgarnesi:

Hvassafell II á nýbýli úr landi Hvassafells í Norðurárdal, Mýrasýslu.

Í umdæmi sýslumannsins á Sauðárkróki:

Halldórsstaðir II á nýbýli úr landi Halldórsstaða, Seyluhreppi, Skagafjarðarsýslu.

Í umdæmi sýslumannsins á Höfn:

Lækjarbrekka á nýbýli úr landi Árnanes II (Brekku Landi), Hornafirði.

Í umdæmi sýslumannsins í Vík:

Giljaland á nýbýli úr landi Grafar, Skaftárhreppi, V-Skaftafellssýslu.

Í umdæmi sýslumannsins á Selfossi:

Grásteinn á nýbýli úr landi Valla, Ölfushreppi, Árnessýslu.

Menntamálaráðuneytinu, 31. desember 1996.

F. h. r.

Árni Gunnarsson.

Karitas H. Gunnarsdóttir.